



Šemsudin Mehmedović

Broj: 01- /26  
Sarajevo: 23. 4. 2026.godine

PRIMLJENO: 23-04-2026		
Organizaciona jedinica	Klasifikaciona oznaka	Redni broj
01	50-1	15-38/26

gjo

PREDSTAVNIČKI DOM  
PARLAMENTARNE SKUPŠTINE BOSNE I HERCEGOVINE  
n/r predsjedavajućeg

Poštovani,


U skladu s članom 168. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 53/22, 59/23, 87/23, 50/24, 73/24, 56/25 i 7/26), za 38. sjednicu Predstavničkog doma, koja je zakazana za 29. 4. 2026. godine, najavljujem postavljanje usmenog poslaničkog pitanja **Srđanu Amidžiću, ministru finansija i trezora Bosne i Hercegovine.**

Oblast na koju se pitanje odnosi: **kontinuirana zloupotreba službenog položaja ili ovlaštenja** (član 220. Krivičnog zakona Bosne i Hercegovine) kako slijedi:

- Članom 7. stav (8) Zakona o finansiranju institucija Bosne i Hercegovine ministar je bio dužan najkasnije do 1. oktobra 2025. godine Vjeću ministara Bosne i Hercegovine podnijeti Nacrt Zakona o budžetu institucija Bosne i Hercegovine i međunarodnih obaveza Bosne i Hercegovine, ali zloupotrebom službenih ovlaštenja do danas to nije učinio.
- Kao predsjedavajući Upravnog odbora Uprave za indirektno oporezivanje, sprječava da se privremeni koeficijenti za raspodjelu preostalih iznosa indirektnih poreza utvrđuju kvartalno, pa se protivno zakonu i pravilniku izvršava raspodjela prihoda sa jedinstvenog računa na osnovu Odluke za period juli-septembar 2023. godine, čime je budžet Federacije Bosne i Hercegovine oštećen za oko 170 miliona KM, a u korist budžeta Republike Srpske, zbog grube zloupotrebe službenih ovlaštenja Srđana Amidžića.
- Ministar Amidžić svjesno i namjerno godinama krši jasne zakonske odredbe o obaveznoj proporcionalnoj etničkoj zastupljenosti, sve s ciljem da se u Ministarstvu zaposli što manji broj Bošnjaka. U Ministarstvu finansija i trezora Bosne i Hercegovine na dan 1. 10. 2025. godine, zaposleno je **50% Srba , Hrvata je 16%, a Bošnjaka je svega 32%** , iako je zakonom utvrđeno da Bošnjaka mora biti 50% odnosno 60% više od Srba. I posljednjem laiku je jasno da ovakav etnički sastav Ministarstva nije rezultat nestručnosti Bošnjaka, nego činjenice da je većina konkursa, očigledno fingirana, pa su tako za posljednje tri godine u Ministarstvu, od **71 novouposlenog, radni odnos zasnovale 53 osobe koje se izjašnjavaju kao Srbi, odnosno 75% Srba od ukupnog broja, a Bošnjaka svega 10 odnosno 14% od ukupnog broja.**

S poštovanjem,

ZASTUPNIK PS BiH  
Šemsudin Mehmedović

A handwritten signature in black ink, appearing to be 'Šemsudin Mehmedović', written in a cursive style.